

ՍՈՎԵՏԱԿԱՆ ԳԻՏՈՒԹՅԱՆ ՔԱՌԱՍՈՒՆ ՏԱՐԻՆ

Հսկայական և անթիվ են Հոկտեմբերյան սոցիալիստական Մեծ ռևոլյուցիայի հետևանքները: Չկա կյանքի ոչ մի բնագավառ, որի վրա այն արմատապես և լճոտական կերպով ազդած չլինի: Կոմունիստական պարտիայի և Սովետական կառավարության ղեկավարությամբ, ամբողջ ժողովրդի լարված աշխատանքի շնորհիվ, քառասուն տարվա ընթացքում նախկին Ռուսական կայսրությունը փոխարկված է նոր տիպի պետության, համախմբված, բաղմազդ Սովետական Սոցիալիստական Ռեսպուբլիկաների Միության, ժողովուրդների համերաշխ սոցիալիստական ընտանիքի:

Մարդկության պատմության մեջ իր հետևանքներով ու խորությամբ չտեսնված սոցիալական ռևոլյուցիային ուղեկցում էր կտրուկ բեկումը երկրի կուլտուրական կյանքի բոլոր ասպարեզներում: Սովետական իշխանության գոյության հենց առաջին ամիսներից դիտահետազոտական աշխատանքը Կոմունիստական պարտիայի և Սովետական կառավարության կողմից առաջները շտեմնված աջակցություն դտավ: Գիտությունը մեր երկրում սկսեց ծառայել ժողովրդի շահերին:

Ողջ սովետական ժողովուրդը պարծանքով է խոսում Սովետական գիտության վերջին ժամանակներում ունեցած խոշոր նվաճումների մասին: Այդ նվաճումներն են՝ աշխարհում առաջին ատոմային էլեկտրակայանի կառուցումը մեր երկրում, առաջին ռեակտիվ մարդատար ինքնաթիռի ստեղծումը, միջմայրցամաքային հզոր հրթիռի ստեղծման, աշխատանքի հաջող ավարտումը և, վերջապես, երկրի առաջին և երկրորդ արհեստական արբանյակների ուղեծիր դուրս բերելը:

Մեր մեծ երկրի եղբայրական ռեսպուբլիկաների գիտնականների հետ միասին, խոշոր հաջողություններ են ձեռք բերել նաև Սովետական Հայաստանի գիտնականները: Մի ռեսպուբլիկա, որը ռևոլյուցիայից առաջ ոչ մի գիտական ինստիտուտ չուներ, այժմ կարող է պարծենալ իր բազմաթիվ գիտահետազոտական հիմնարկներով, որոնք մշակում են բազմաթիվ կարևոր պրոբլեմներ ու թեմաներ՝ կապված մեր երկրի ժողովրդական տնտեսության, կուլտուրայի և գիտության զարգացման հետ: Հայաստանում գիտական մտքի կենտրոնը Հայկական ՍՍՌ Գիտությունների ակադեմիան է, որը ստեղծվել է 1943 թվականին ՍՍՌՄ Գիտությունների ակադեմիայի Հայկական ֆիլիալի բազայի վրա:

Հայաստանում նախկինում չի հրատարակվել և ոչ մի գիտական պարբերական հանդես և միայն Հոկտեմբերյան ռևոլյուցիայից հետո սկսեցին հրատարակվել գիտական պարբերական հանդեսներ գիտության տարբեր բնագավառների ուղղությամբ: Այդ հանդեսների թիվը հետզհետե աճում է: Միայն



Հայաստանի Գիտությունների ակադեմիան այժմ հրատարակում է յոթ պարբերական հանդեսներ՝ Հայկական ՍՍԻ Գիտությունների ակադեմիայի Զեկույցները, Հայկական ՍՍԻ Գիտությունների Ակադեմիայի Տեղեկագրերը՝ հասարակական, բիոլոգիական և գյուղատնտեսական, ֆիզիկո-մաթեմատիկական, տեխնիկական, գեոլոգիական և աշխարհագրական ու քիմիական գիտությունների գծով: Լիարժեք գիտական բարձր մակարդակ ունեցող պարբերական հանդեսների հրատարակումը պետք է դառնա Հայաստանի գիտնականների խոշոր հաջողությունների շարքը:

Առաջիկա հնդամյակներում գիտական պարբերական հանդեսների դերն ավելի է մեծանալու: Նրանց միջոցով է, որ գիտությունը պետք է ավելի սերտորոշական կապ ստեղծի լայն մասսաների հետ: Մեր ռեսպուբլիկայի գիտական աշխատողների պարտքն է ավելի բարձր գիտական մակարդակի հասցնել այդ հանդեսները և նրանց ավելի լավ ծառայեցնել իրենց նպատակին:

Հայկական ՍՍԻ գիտական հիմնարկներն ու գիտնականները մշտական և սերտ կապ են պահպանում ինչպես եղբայրական Միութենական ռեսպուբլիկաների, այնպես էլ արտասահմանյան երկրների, մասնավորապես ժողովրդական դեմոկրատիայի երկրների գիտական շատ կենտրոնների հետ:

Ոչ մի տարակույս չկա, որ գիտությունը Սովետական Հայաստանում զնալով ավելի ու ավելի կծաղկի: